



საქართველოს ოკუპირებული ტერიტორიებიდან დევნილთა, შრომის,  
 ჯანმრთელობისა და სოციალური დაცვის სამინისტრო  
 MINISTRY OF INTERNALLY DISPLACED PERSONS FROM THE OCCUPIED  
 TERRITORIES, LABOUR, HEALTH AND SOCIAL AFFAIRS OF GEORGIA

სსიპ შრომის ინსპექციის სამსახური  
 LEPL LABOUR INSPECTION OFFICE



KA030412891743721

საქართველო, თბილისი 0119, აკ. წერეთლის გამზ. 144; ცხელი ხაზი 1505; ელ.ფოსტა: infolio@moh.gov.ge  
 144 Ak. Tsereteli ave., 0119, Tbilisi, Georgia; Hot line 1505; E-mail: infolio@moh.gov.ge

№ 19

14 / ივლისი / 2021 წ.

შპს „ჭი ელ გრუპის“ დირექტორს ლევან ინჯიას  
 მისამართი: მცხეთის რაიონი, სოფელი ნატახტარი 1 კმ.

**დადგენილება საჩივრის დაკმაყოფილებაზე უარის თქმის თაობაზე**

**საჩივრის ავტორი** - შპს „ჭი ელ გრუპის“ დირექტორი ლევან ინჯია;

**მოთხოვნის არსი** - ადმინისტრაციული სამართალდარღვევის ოქმის გაუქმება;

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროში 2020 წლის 21 ივლისს სს შპს „ჭი ელ გრუპის“ დირექტორის ლევან ინჯიას მიერ წარმოდგინდო იქნა №76496 საჩივარი. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შრომის პირობების ინსპექტირების დეპარტამენტის (შემდგომში - „შრომის პირობების ინსპექტირების დეპარტამენტი“) 2020 წლის 13 ივლისის № 000998 ადმინისტრაციული სამართალდარღვევის ოქმის გაუქმების მოთხოვნით.

საჩივარზე გარემოებათა გამოკვლევისა და დაინტერესებულ მხარეთა მიერ მოსაზრებების წარმოდგენის მიზნით, საკითხთან დაკავშირებით 2021 წლის 07 ივნისს გაიმართა „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სსიპ შრომის ინსპექციის სამსახურის ადმინისტრაციული სამართალდარღვევის საქმეზე მიღებულ გადაწყვეტილებასთან დაკავშირებით საჩივრების განმხილველი კომისიის“ (შემდგომში - „საჩივრების განმხილველი კომისია“) მეპირი მოსმენის სხდომა, რომელზეც გამოცხადდნენ: საჩივრის ავტორი, შპს „ჭი ელ გრუპის“ დირექტორი ლევან ინჯია და წარმომადგენელი ანა ფირცხალაშვილი, ასევე, მონინალმდევე მხარის, სსიპ შრომის ინსპექციის სამსახურის შრომის უსაფრთხოებაზე ზედამხედველობის დეპარტამენტის სამშენებლო სექტორის სამმართველოს უფროსი მაია მიქაია.

წარმოდგენილ საჩივრით შპს „ჭი ელ გრუპის“ დირექტორი არ ეთანხმება ადმინისტრაციული სამართალდარღვევის ოქმს, და განმატავს რომ იგი შედგენილია საქმისათვის არსებითი მნიშვნელობის მქონე გარემოებების შესწავლის გარეშე და ობიექტზე დაცული იყო ყველა სახის რეკომენდაცია.

საჩივრების განმხილველი კომისიის სხდომაზე გამოცხადებული საჩივრის ავტორის წარმომადგენლებმა მხარი დაუჭირეს წარმოდგენილ საჩივარს და მოითხოვა მისი დაკმაყოფილება, ამასთან განმარტეს, რომ დღეის მდგომარეობით კომპანიის მიერ სრულად დაცულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის № 01-227/თ ბრძანებით დამტკიცებული რეკომენდაციები. შპს „ჭი ელ გრუპის“ წარმომადგენელმა ითხოვა გათვალისწინებულ იქნეს ქვეყანაში არსებული ეკონომიკური მდგომარეობის გათვალისწინება და მოხდეს დაკისრებული სახდელის შემსუბუქება.

მონინალმდევე მხარის, სსიპ შრომის ინსპექციის სამსახურის წარმომადგენელი არ დაეთანხმა წარმოდგენილ საჩივარს და განმარტა, რომ შპს „ჭი ელ გრუპის“ მიერ ჩადენილია საქართველოს ადმინისტრაციულ სამართალდარღვევათა კოდექსის 42<sup>10</sup> მუხლით გათვალისწინებული სამართალდარღვევა, კერძოდ, დარღვეულ იქნა საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის №01-227/თ ბრძანების დანართი №17-ით დამტკიცებული „ახალი კორონავირუსით (SARS-CoV-2) გამონვეულ ინფექციასთან (COVID-19)

დაკავშირებული ზოგადი რეკომენდაციები საზოგადოებრივი კვების ობიექტებისთვის“ რის გამოც იგი დაჯარიმდა 10 000 (ათი ათასი) ლარით. მან დამატებით განმარტა, რომ გასაჩივრებული ადმინისტრაციული სამართალდარღვევის ოქმი კანონიერია და არ არსებობს მისი გაუქმების სამართლებრივი საფუძველი.

**მოცემულ საქმეზე დაინტერესებული მხარეების მოსაზრებების მოსმენის, საქმისათვის არსებითი მნიშვნელობის მქონე ფაქტობრივი და სამართლებრივი გარემოებების, წარმოდგენილი საქმის მასალების გამოკვლევის შემდეგ, ადმინისტრაციული ორგანო მივიდა დასკვნამდე, რომ შპს „ჯი ელ გრუპის“ საჩივარი არ უნდა დაკმაყოფილდეს შემდეგ გარემოებათა გამო:**

უდავო გარემოებაა, რომ 2020 წლის 06 ოქტომბერს შრომის პირობების ინსპექტირების დეპარტამენტის სპეციალისტების მიერ შემოწმებულ იქნა შპს „ჯი ელ გრუპის“ ობიექტი, რომლის საფუძველზეც შედგენილ იქნა შემოწმების აქტი ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული, ზოგადი რეკომენდაციების („საზოგადოებრივი კვების ობიექტებისთვის“) დაუკმაყოფილებლობის თაობაზე.

ასევე უდავო გარემოებაა, რომ შრომის პირობების ინსპექტირების დეპარტამენტის მიერ 2020 წლის 13 ივლისს №000998 ადმინისტრაციული სამართალდარღვევათა ოქმით შპს „ჯი ელ გრუპი“ დაჯარიმებულ იქნა 10 000 (ათი ათასი) ლარით საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის № 01- № 01-227/თ ბრძანების დანართი № 17-ით დამტკიცებული „ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციების (საზოგადოებრივი კვების ობიექტებისთვის) დარღვევისთვის, კერძოდ, მომლოდინე სტუმრებისთვის არ იყო წინასწარ განსაზღვრული ადგილი იატაკის მონიშვნითა და დისტანციის დაცვით, არ გამოიყენებოდა ჭურჭლის სანრეტი მონყობილობა, გამოიყენებოდა მაგიდების მრავალჯერადი გადასაფარებლები, არ ხდებოდა მაგიდების წმენდა და დეზინფექცია ყოველი ახალი მომხმარებლის შემდეგ.

საქართველოს ადმინისტრაციულ სამართალდარღვევათა კოდექსის პირველი მუხლის მე-2 აბზაცის თანახმად, საქართველოს ადმინისტრაციულ სამართალდარღვევათა კოდექსი განსაზღვრავს, თუ რომელი მოქმედება ან უმოქმედობა წარმოადგენს ადმინისტრაციულ სამართალდარღვევას, რომელი ადმინისტრაციული სახდელი, რომელი ორგანოს (თანამდებობის პირის) მიერ და რა წესით შეიძლება დაედოს ადმინისტრაციული სამართალდარღვევის ჩამდენს. ამავე კოდექსის მე-10 მუხლის თანახმად, „ადმინისტრაციულ სამართალდარღვევად (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა“.

ამავე კოდექსის მე-8 მუხლის თანახმად, „არავის არ შეიძლება შეეფარდოს გემოქმედების ზომა ადმინისტრაციული სამართალდარღვევების გამო, თუ არა კანონმდებლობით დადგენილ საფუძველზე და წესით. ადმინისტრაციულ სამართალდარღვევათა საქმეებს აწარმოებენ კანონიერების მკაცრი დაცვის საფუძველზე. საამისოდ უფლებამოსილი ორგანოები და თანამდებობის პირნი ადმინისტრაციული გემოქმედების ზომებს შეუფარდებენ თავიანთი კომპეტენციის ფარგლებში, კანონმდებლობის ზუსტი შესაბამისობით“.

მიითებული სამართლებრივი ნორმების ანალიზი ცხადყოფს, რომ ფიზიკური ან იურიდიული პირის ქმედების სამართალდარღვევად დაკვალიფიცირებისათვის უნდა არსებობდეს შემდეგი კუმულაციური ფაქტორი-სამართლებრივი წინაშედგომები: სახეზე უნდა იყოს სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა. პასუხისმგებლობის დაკისრება კი უნდა მოხდეს კანონით განსაზღვრული წესის შესაბამისად.

ახალი კორონავირუსით გამოწვეული ეპიდემიოლოგიური სიტუაციის სამართავად „საზოგადოებრივი ჯანმრთელობის შესახებ“ საქართველოს კანონის 45<sup>3</sup> მუხლით დადგენილ იქნა, რომ იზოლაციის ან/და კარანტინის წესს ადგენს საქართველოს მთავრობა ან საქართველოს მთავრობის მიერ განსაზღვრული სამინისტრო.

ხსენებული უფლებამოსილების ფარგლებში, საქართველოს მთავრობის 2020 წლის 23 მაისის № 322 დადგენილებით (შემდგომში - „№ 322 დადგენილება“) დამტკიცებულ იქნა „იზოლაციისა და კარანტინის წესები“, რომლის პირველი მუხლის თანახმად, „ამ დადგენილების მიზანია, ახალი კორონავირუსის (COVID-19) მასობრივი გავრცელების პრევენციისთვის, „საზოგადოებრივი ჯანმრთელობის შესახებ“ საქართველოს კანონით გათვალისწინებული იზოლაციისა და კარანტინის წესების, ასევე, ქვეყნის მოსახლეობის სიცოცხლისა და ჯანმრთელობისათვის მოსალოდნელი საფრთხის შემცირებისა და ეპიდემიოლოგიური სიტუაციის სამართავად შესაბამისი ღონისძიებების განსაზღვრა.“

ამრიგად, აღნიშნული ღონისძიებები, რომლებიც დროებით გამოიყენება პანდემიის ან/და საზოგადოებრივი ჯანმრთელობისთვის განსაკუთრებით საშიში ეპიდემიის დროს, მოსახლეობის ჯანმრთელობის დაცვის მიზნით, შეიძლება გულისხმობდეს საქართველოს სხვა ნორმატიული აქტებით დადგენილისგან განსხვავებულ მოწესრიგებას, მათ შორის, შესაბამისი შეზღუდვების დროებით დაწესებას, საჭარო დანესებულებების, აღმასრულებელ ხელისუფლებაში შემავალი სხვა დანესებულებების, საჭარო სამართლის იურიდიული პირების, სხვა იურიდიული პირების საქმიანობასთან/ადმინისტრირებასთან, საჭარო სერვისების მიწოდებასთან, პირთა მიმოსვლასთან, საკუთრებასთან, შრომასთან, პროფესიულ ან ეკონომიკურ საქმიანობასთან, უკანონო მიგრაციასთან/საერთაშორისო დაცვასთან ან/და სოციალური ღონისძიებების ჩატარების მიზნით პირთა თავშეყრასთან დაკავშირებით.

განსახილველ შემთხვევაში, №322 დადგენილების მე-6 მუხლის მე-8 პუნქტის თანახმად, „ყველა ეკონომიკური საქმიანობა უნდა განხორციელდეს ობიექტის სპეციფიკის გათვალისწინებით, არანაკლებ 2 მეტრის სოციალური დისტანციის დაცვითა და პირბადით, „სამუშაო ადგილებზე ახალი კორონავირუსის (COVID-19) გავრცელების თავიდან აცილების მიზნით რეკომენდაციების დამტკიცების თაობაზე“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის

ბრძანების შესაბამისად. ამავე დადგენილების მე-9 მუხლის მე-4 პუნქტის პირველი აბზაცის თანახმად კი - „შრომის ინსპექციის სამსახურს, როგორც სამუშაო ადგილების, დასაქმებულთა, დამსაქმებელთა და სამუშაო სივრცეში მყოფ სხვა პირთა უსაფრთხოების ძირითად მაკონტროლებელს, მიეცეს უფლება, ამ მუხლის პირველი პუნქტის საფუძველზე, უშუალოდ ან ამ მუხლის მე-2 პუნქტით გათვალისწინებული უწყებების დახმარებით, საქართველოს მთელ ტერიტორიაზე განახორციელოს კონტროლი სამუშაო ადგილებზე ახალი კორონავირუსის (COVID-19) გავრცელების თავიდან აცილების მიზნით, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ შემუშავებული რეკომენდაციების შესრულებაზე.“

ხსენებული სამართლებრივი დანაწესების გათვალისწინებით, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის № 01-227/ო ბრძანებით დამტკიცებული რეკომენდაციები წარმოადგენს შესასრულებლად სავალდებულო ძალის მქონე იმპერატიულ დებულებებს, რომელთა განხორციელებაზე მონიტორინგს ახორციელებს სსიპ შრომის ინსპექციის სამსახური, ამავე დადგენილების მე-9 მუხლის მე-2 პუნქტით გათვალისწინებულ სახელმწიფო და ადგილობრივი თვითმმართველობის უწყებების დახმარებით.

მოცემულ შემთხვევაში, სადავო ადმინისტრაციული სამართალდარღვევის ოქმით დგინდება, შრომის პირობების ინსპექტირების დეპარტამენტის მიერ ობიექტის გადამოწმების შედეგად გამოვლენილ იქნა საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის № 01-227/ო ბრძანების დანართი № 17-ით დამტკიცებული „ახალი კორონავირუსით (SARS-CoV-2) გამონვეულ ინფექციასთან (COVID-19) დაკავშირებული ზოგადი რეკომენდაციების ((სამოგადობრივი კვების ობიექტებისთვის) დარღვევისთვის, კერძოდ, მომლოდინე სტუმრებისთვის არ იყო წინასწარ განსაზღვრული ადგილი იატაკის მონიშვნითა და დისტანციის დაცვით, არ გამოიყენებოდა ჭურჭლის სანრეტი მონყობილობა, გამოიყენებოდა მაგიდების მრავალჯერადი გადასაფარებლები, არ ხდებოდა მაგიდების წმენდა და დეზინფექცია ყოველი ახალი მომხმარებლის შემდეგ.

აღნიშნულ დარღვევებთან მიმართებით, ადმინისტრაციული ორგანო იშველიებს დანართი № 17-ით დამტკიცებული რეკომენდაციების რიგ მოთხოვნებს: (1) წინასწარ განსაზღვრეთ სტუმართათვის ადგილი (იატაკის მონიშვნით და დისტანციის დაცვით); (2) სამზარეულოს ჭურჭელი დაინრიტოს და გაშრეს სანრეტზე. (3) უზრუნველყავით სტუმრებისთვის ბეჭდური (ერთჯერადი) მენიუს შეთავაზება. ელექტრონული მენიუს შეთავაზების შემთხვევაში მენიუს დაფასთან ხელების ჰიგიენური დამუშავებისთვის განათავსეთ სადებინფექციო საშუალებები, სათანადო სავალდებულო ნიშნის მითითებით; (4) გამოიყენეთ მაგიდის ერთჯერადი გადასაფარებლები, ან მაქსიმალურად შეზღუდეთ მათი გამოყენება, რადგან სასადილო მაგიდების წმენდა და დეზინფექცია ყოველი მომხმარებლის შემდგომ უფრო მოსახერხებელი და ჰიგიენურად კეთილსაიმედოა (5) ყოველი მომხმარებლის გამასპინძლების შემდგომ, მოახდინეთ მაგიდების წმენდა სადებინფექციო ხსნარის გამოყენებით;

განსახილველ შემთხვევაში, საქმეში არსებული კითხვარისა და შემონმების აქტის ურთიერთშეჯერების შედეგად, დადგინდა იქნა რომ შპს „ჯი ელ გრუპის“ მიერ მიმდინარეობდა ეკონომიკური სანარმო საქმიანობა საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის №01-227/ო ბრძანებით დამტკიცებული რეკომენდაციების მოთხოვნათა დაუცველად.

რაც შეეხება, საჩივრის ავტორის მიერ საჩივარზე დართულ ფოტო/ვიდეო მასალას, რომლებზეც აღბეჭდილია ობიექტზე დისტანციის დაცვის მიზნით განთავსებული სტიკერები და ასევე აღბეჭდილია მომხმარებლის გამასპინძლების შემდგომ მაგიდების ალაგებისა და წმენდის პროცესი, აღნიშნულთან დაკავშირებით ადმინისტრაციული ორგანო განმარტავს, რომ ვერ მოხდება წარმოდგენილი ფოტო/ვიდეო მასალების გაზიარება, რადგან არ დასტურდება, რომ აღნიშნული ასახავს ადმინისტრაციული სამართალდარღვევის ჩადენის დროისთვის ობიექტზე არსებულ მდგომარეობას.

ვინაიდან საქმეში არ იქნა წარდგენილი დარღვევის შესრულების დამადასტურებელი/დარღვევის შესრულებლობის გამომრიცხველი შესაბამისი დოკუმენტაცია, აღნიშნული ცალსახად მიუთითებს გასაჩივრებულ ოქმში მითითებული ფაქტების სისწორეზე, რაც კანონმდებლობის თანახმად, სამართალდამრღვევზე პასუხისმგებლობის დაკისრების საფუძველს წარმოადგენდა.

საქართველოს ადმინისტრაციულ სამართალდარღვევათა კოდექსის 42<sup>10</sup> მუხლის თანახმად, „სამოგადობრივი ჯანმრთელობის შესახებ“ საქართველოს კანონით გათვალისწინებულ საკითხებთან დაკავშირებით დადგენილი იზოლაციის ან/და კარანტინის წესის დარღვევა გამოიწვევს ფიზიკური პირის დაჯარიმებას 2 000 ლარით, ხოლო იურიდიული პირისა – 10 000 ლარით.“

საქმეში წარმოდგენილ დოკუმენტაციებზე დაყრდნობით, საჩივრის განმხილველი ადმინისტრაციული ორგანო დადგინდა გარემოებად მიიჩნევს, რომ შპს „ჯი ელ გრუპის“ მიერ რეკომენდაციების დარღვევის ფაქტს. მოცემული გარემოებების მხედველობაში მიღებით, საქმის განმხილველი ადმინისტრაციული ორგანო მიიჩნევს, რომ სახეზეა საქართველოს ადმინისტრაციულ სამართალდარღვევათა კოდექსის 42<sup>10</sup> მუხლის ფაქტობრივი შემადგენლობა. შესაბამისად, არსებობდა შრომის პირობების ინსპექტირების დეპარტამენტის მიერ გასაჩივრებული ადმინისტრაციული სამართალდარღვევის ოქმის შედგენისა და შპს „ჯი ელ გრუპის“ 10 000 (ათი ათასი) ლარის ოდენობით დაჯარიმების სამართლებრივი საფუძველი.

ამასთან, ადმინისტრაციული ორგანო განმარტავს, რომ ახალი კორონა ვირუსით (SARS-CoV-2) გამონვეულ ინფექციასთან (COVID-19) დაკავშირებული ადმინისტრაციული სახდელის გამოყენების მთავარ მიზანს წარმოადგენს პრევენციული და აღმზრდელობითი ღონისძიებების განხორციელება, რათა შემდგომში თავიდან იქნას აცილებული ინფექციის გავრცელების საშიშროება. ასევე ორგანო მიიჩნევს, რომ ნაკლებად მკაცრი სახის სახდელი, როგორცაა გაფრთხილება, ვერ უზრუნველყოფს ადმინისტრაციული

სამართალდარღვევის ჩამდენის აღსაზრდელად სამინისტროს რეკომენდაციების დაცვას. მხოლოდ სიტყვიერი შენიშვნით შესაძლოა სტიმული მიეცეს მეტად სახიფათო პრეცედენტის შექმნას ახალი კორონა ვირუსით (SARS-CoV-2) გამონეწვეულ ინფექციასთან მიმართებით ბრძოლის ფარგლებში და გადაცდომის ჩამდენი პირების მიმართ, ადმინისტრაციული ზემოქმედების შესაბამისი ზომების გატარების მიუხედავად მიუღწეველი დარჩეს როგორც ადმინისტრაციული სახდელის, ასევე ზოგადად ადმინისტრაციულ სამართალდარღვევათა შესახებ კანონმდებლობის მიზნები და ამოცანები.

საქართველოს ადმინისტრაციულ სამართალდარღვევათა კოდექსის 278-ე მუხლის პირველი ნაწილის „ა“ ქვეპუნქტის თანახმად, „საჩივრის ან პროტესტის განხილვისას ორგანოს (თანამდებობის პირს) გამოაქვს გადაწყვეტილება დადგენილების უცვლელად დატოვებისა და საჩივრის ან პროტესტის დაუკმაყოფილებლად დატოვების შესახებ“.


საკითხის სრულყოფილად შესწავლის შედეგად, ადმინისტრაციული ორგანო მიიჩნევს, რომ საჩივრის განხილვის ეტაპზე არ გამოკვეთილა რაიმე ისეთი გარემოება, რომელიც განდებოდა სადავო ადმინისტრაციული სამართალდარღვევის ოქმის გაუქმების საფუძველი.

ყოველივე ზემოაღნიშნულიდან გამომდინარე, ადმინისტრაციულ სამართალდარღვევათა კოდექსის, „საზოგადოებრივი ჯანმრთელობის შესახებ“ საქართველოს კანონის, „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის №322 დადგენილებისა და „სამუშაო ადგილებზე ახალი კორონავირუსის (COVID-19) გავრცელების თავიდან აცილების მიზნით რეკომენდაციების დამტკიცების თაობაზე“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 მაისის №01-227/ო ბრძანების მოთხოვნათა შესაბამისად, ადმინისტრაციულმა ორგანომ

**და და დ გ ი ნ ა:**

- 1. არ დაკმაყოფილდეს შპს „**ჯი ელ გრუპის**“ 2020 წლის 21 ივლისის №76496 საჩივარი.
- 2. უცვლელად/ძალაში დარჩეს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შრომის პირობების ინსპექტირების დეპარტამენტის 2020 წლის 13 ივლისის №000998 ადმინისტრაციული სამართალდარღვევის ოქმი.
- 3. დადგენილების ასლები გადაეგზავნოთ დაინტერესებულ მხარეს.
- 4. დადგენილება შეიძლება გასაჩივრდეს, კანონით დადგენილი წესით, თბილისის საქალაქო სასამართლოს ადმინისტრაციულ საქმეთა კოლეჯიაში (მისამართი: ქ. თბილისი, დავით აღმაშენებლის ხეივანი №64).

სსიპ შრომის ინსპექციის სამსახურის მთავარი  
შრომის ინსპექტორი

ხელმოწერილია/  
შტამგდასმულია  
ელექტრონულად 

ბექა ფერაძე